

कन्हैया काहे बात न मानत

कन्हैया काहे बात न मानत मोरी ॥
क्यूँकर जात करन चोरी तूँ , माखन की पर-दोरी,
किसी की तोड़े माखन-गगरी, किसी की बाँह मरोरी,
कन्हैया काहे बात न मानत मोरी.....

कौन कमी तोहे दही माखन की, क्यूँ करबै नित चोरी,
माखन चोर सुनत गोपिन मुख, छलके अँखियाँ मोरी,
कन्हैया काहे बात न मानत मोरी.....

बोले कृष्ण सुनौ री मैया, चंचल ब्रज की गोरी,
तूँ बातन उनके आ जाती, है मन की अति भोरी,
कन्हैया काहे बात न मानत मोरी.....

नैनन सैन बुलाकर मोहे, अंग लगावत छोरी,
कोऊ लेत गोद निज अपने, लेत बलैयाँ मोरी,
कन्हैया काहे बात न मानत मोरी.....

निज हाथन मोरे मुख माखन, देत लगाय निगोरी,
जान उमर कौ बारौ मोसें, करतीं हैं बरजोरी,
कन्हैया काहे बात न मानत मोरी.....

मोसें काम करातीं घर कौ, डाल प्रेम की डोरी,

लाज लगै मोहि तोह बतावत, निरलज सिगरीं छोरी,
कन्हैया काहे बात न मानत मोरी....

मैं क्या मोरी बला करै नहिं, काहूँ के घर चोरी,
मुदित मातु सुन बतियाँ नैनन, नीर 'अशोक' बहो-री,
कन्हैया काहे बात न मानत मोरी....

(रचना-अशोक कुमार खरे)

Source:

<https://www.bharattemples.com/kanhiya-kaahe-baat-na-manaat-mori-kyu-kar-jaat-karn-chori-tu/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>